

孫

子

冊五

孫子十家註卷十

地形篇

筌

曰軍出之後

必有地形

以立勝也

地形變動

地當周知

地形以立

勝也

軍行

皆日地利

當軍有利

當軍有利

當軍有利

當軍有利

當軍有利

當軍有利

當軍有利

當軍有利

孫子曰地形有通者

梅堯臣曰道路交達

有挂者

掛通典作非

梅堯臣曰網羅之地往必掛綴

有支者

梅堯臣曰相持之地

有隘者

梅堯臣曰相持之地

梅堯臣曰兩山通谷之間

有險者

梅堯臣曰山川邱陵也

有遠者

曹公曰此六者地之形也 杜佑曰此六地之名

教民居之得便利則勝也

梅堯臣曰平陸也

張預曰地形有此六者之別也

我可以往彼可以來曰通

杜佑曰俱謂在平陸往來通利也

張預曰俱在

平陸往來通達

通形者

通典作居地

先居高陽

通典先下有其地三字

利糧道以戰

則利

曹公曰寧致人無致於人

杜佑曰寧致人無致

於人己先據高地分爲屯守於歸來之路無使敵
絕己糧道也。李筌曰：先之以待敵。杜牧曰：通
者四戰之地須先據高陽之處勿使敵人先得而
我後至也。利糧道者每於津阨或敵人要衝則築
壘或作甬道以護之。賈林曰：通形者無有岡坡
亦無要害故兩通往來處高易于望候向陽視生
通糧道便易轉運於此利於戰也。梅堯臣曰：先
據高陽利糧通阨敵人來至我戰則利。王晳同
曹公註。何氏同杜佑註。張預曰：先處戰地以
待敵則致人而不致於人。我雖高居面陽坐以致
敵亦慮敵人不來赴戰故須使糧餉不絕然後爲
利。

可以往難以返曰挂

杜佑曰掛者牽掛也

挂形者通典者作日敵無備出而勝之敵若有備通典無若字出而不勝難以返不利

李筌曰往難以返曰挂

杜牧曰挂者險阻之地

與敵共有犬牙相錯動有挂礙也往攻敵敵若無備攻之必勝則雖與險阻相錯敵人已敗不得復邀我歸路矣若往攻敵人敵人有備不能勝之則爲敵人守險阻邀我歸路難以返也

陳皞曰不

得已陷在此則須爲持久之計掠取敵人之糧以伺利便而擊之

杜佑曰敵無備出攻之勝可也有備不得勝之則難還返也

梅堯臣曰出其不意往則獲利若其有備往必受制

張預曰察知

敵情果爲無備一舉而勝之則可矣若其有備出

而弗克欲戰則不可賈欲歸則不得返非所利也。

我出而不利彼出而不利曰支

杜佑曰支久也俱不便久相持也
張預曰各守險固以相持

支形者敵雖利我我無出也引而去令敵半出而擊之利

杜佑曰利利我也佯背我去我無出逐待其引而擊之可敗也
李筌曰支者兩俱不利如挂之形

故各分其勢

杜牧曰支者我與敵人各守高險

對壘而軍中有平地狹而且長出軍則不能成陳遇敵則自下禦上彼我之勢俱不利便如此則堂堂引去伏卒待之敵若躡我候其半出發兵擊之則利若敵人先去以誘我我不可出也
陳皞曰

此說理繁而語倒。但彼此出軍地形不便。敵若設利誘我而去。我慎勿追之。我若引去。敵止則已。若來襲我。候其半出。則急擊之。賈林曰：支者隔險阻可以相要截。足得相支持。故不利先出也。梅

堯臣曰：各居所險。先出必敗。利而誘我。我不可愛。僞去引敵半出而擊。王晳曰：敵不肯至。則設奇伏而退。且詭之令必出。張預曰：利我謂佯背我。去也不可出攻。我捨險則反爲所乘。當自引去。敵若來追。伺其半出行列未定。銳卒攻之。必獲利焉。李靖兵法曰：彼此不利之地。引而佯去。待其半出而邀擊之。

盈形者。

通典者作日

我先居之。必盈之以待敵。

杜佑曰：盈滿也。以兵陳滿盈形。欲使敵不得進退。

也

若敵先居之盈而勿從不盈而從之

曹公曰隘形者兩山間通谷也敵勢不得撓我也
我先居之必前齊隘口陳而守之以出奇也敵若
先居此地齊口陳便從也卽半隘陳者從之而與
敵共此利也杜佑曰謂齊口亦滿也如水之滿
器與口齊也若我居之平易險阻皆制在我然後
出奇以制敵若敵人據隘之半不知齊口滿盈之
道我則入隘以從之蓋敵亦在隘我亦在隘俱得
地形勝敗在我不在地形也夫齊口盈滿之術非
惟隘形獨解有口譬如平坡迴澤車馬不通舟楫
不勝中有一逕亦須據其路口使敵不得進也諸
可知矣李筌曰盈平也敵先守隘我去之趙不

守井陘之口。韓信下之。陳豨不守漳水。高祖下之。

是也。杜牧曰：盈者，滿也。言遇兩山之間，中有通

谷，則須當山口爲營。與兩山口齊，如水之在器而

盈滿也。陳皞曰：隘口，言陳是也。言營非也。賈

林曰：從逐也。盈實也。敵若實而滿之，則不可逐討。若虛而無備，則入而討之。梅堯臣同杜牧註。

王晳同曹公註。張預曰：左右高山中，有平谷。我

先至之，必齊滿山口，以爲陳。使敵不得進也。我可以出奇兵，彼不能以撓我。敵若先居此地，盈塞隘口，而陳者不可從也。若雖守隘口，俱不滿齊者，入而從之，與敵共此險阻之利。吳起曰：無當天竈。天竈者，大谷之口。言不可迎隘口而居之也。

險形者。通典者我先居之，必居高陽以待敵。

杜佑曰居高陽之地以待敵人敵人從其下陰而來此之則勝

若敵先居之引而去之勿從也

曹公曰地形險隘尤不可致於人

杜佑曰地險

先據不可致於人也

李筌曰若險阻之地不可

後於人

杜牧曰險者山峻谷深非人力所能作

爲必居高陽以待敵若敵人先據之必不可以爭

則當引去陽者南面之地恐敵人持久我居陰而

生疾也今若於嶠澗遇敵則先據北山此乃是面

陰而背陽也高陽二者止可捨陽而就高不可捨

高而就陽孫子乃統而言之也

梅堯臣曰先得

險固居高就陽待敵則強敵苟先之就戰則殆引

去勿疑

王晳曰此亦爭地若唐太宗先據虎牢

以待竇建德是也。張預曰：平陸之地，尚宜先據。況險阨之所，豈可以致於人？故先處高陽，以佚待勞，則勝矣。若敵已據此地，宜速引退，不可與戰。裴行儉討突厥，嘗際晚，下營漿壘方周，忽令移就崇岡。將士不悅，以謂不可。勞衆行儉不從，速令徙之。是夜風雨暴至，前設營所水深丈餘，將吏驚服。以此觀之，居高陽不惟戰便，亦無水澇之患也。

遠形者

通典作夫

形勢均

通典作均勢

難以挑戰。戰而不利。

曹公曰：挑戰者，延敵也。

孟氏曰：兵勢既均，我遠

入挑，則不利也。

杜佑曰：挑，迎敵也；遠形，去國遠

也；地勢均等，無不便利。先挑之戰，不利也。

李筌

曰：力敵而挑，則利未可知也。

杜牧曰：譬如我與

敵壘相去三千里，若我來就敵壘而延敵，欲戰者，

是我困敵銳故戰者不利若敵來就我壘延我欲戰者是我佚敵勞敵亦不利故延勢均然則如何

曰欲必戰者則移相近也

陳皞曰夫與敵營壘

相遠兵力又均難以挑戰戰則不利故下文云勢

均以一擊十曰走是也夫挑戰先須料我兵衆強

弱可以加敵則爲之不然則不可輕進自取敗也

梅堯臣曰勢既均一挑戰則勞致敵則佚

王

晳曰以遠致我勞也

張預曰營壘相遠勢力又

均止可坐以致敵不宜挑人而求戰也

凡此六者地之道也將之至任不可不察也

李筌曰此地形之勢也將不知者以敗

賈林曰

天生地形可以目察

梅堯臣曰夫地形者助兵

立勝之本豈得不度也

張預曰六地之形將不

可不知

故兵有走者.有弛者.有陷者.有崩者.有亂者.有北者.
凡此六者.非天之災.將之過也.

賈林曰.走弛陷崩亂北皆敗壞大小變易之名也.

張預曰.凡此六敗.咎在人事.

夫勢均以一擊十曰走.

曹公曰.不料力. 李筌曰.不量力也.若得形便之

地用奇伏之計.則可矣. 杜牧曰.夫以一擊十之

道.先須敵人與我將之智謀.兵之勇怯.天時地利.

飢飽勞佚.十倍相懸.然後可以奮一擊十.若勢均

力敵.不能自料.以我之一擊敵之十.則須奔走.不

能返舍.復爲駐止矣. 梅堯臣曰.勢雖均而兵甚

寡.以寡擊衆.必走之道也. 王晳曰.不待鬪而走

也。張預曰：勢均謂將之智勇，兵之利鈍，一切相敵也。夫體敵勢等，自不可輕戰，況奮寡以擊衆，能無走乎。

卒強吏弱曰弛

曹公曰：吏不能統，故弛壞。杜牧曰：言卒伍豪強，將帥懦弱，不能驅率，故弛坼壞散也。國家長慶初，命田布帥魏以伐王廷湊，布長在魏，魏人輕易之，數萬人皆乘驢行營，布不能禁，居數月，欲合戰，兵士潰散，布自剄身死。賈林曰：令之不從，威之不服，見敵則亂，不壞何爲？梅堯臣曰：吏無統率者，則軍政弛壞。王晳同曹公註。何氏曰：言卒伍豪強，將帥懦弱，不能驅領，故弛坼壞散也。張預曰：士卒豪悍，將吏懦弱，不能統轄，約束，故軍政弛

壞也吳楚相攻吳公子光曰楚軍多寵政令不一帥賤而不能整無大威命楚可敗果大敗楚師也吏強卒弱曰陷

曹公曰吏強欲進卒弱輒陷敗也李筌曰陷敗

也卒弱不一則難以爲戰是以强陷也杜牧曰

言欲爲攻取士卒怯弱不量其力強進之則陷沒於死地也陳皞曰夫人皆有血氣惟無鬪敵之

心若將乏刑德士乏訓練則人皆懦怯不可用也

賈林曰士卒皆羸鼓之不進吏強獨戰徒陷其身也梅堯臣曰吏雖強進不能激之以勇故陷

於死王晳曰爲下所陷張預曰將吏剛勇欲

戰而士卒素乏訓練不能齊勇同奮苟用之必陷

於亡敗

大吏怒而不服遇敵懾而自戰將不知其能曰崩

曹公曰大吏小將也大將怒之而不厭服忿而赴

敵不量輕重則必崩壞

李筌曰將爲敵所怒不

料強弱驅士卒如命者必崩壞

杜牧曰春秋時

楚子伐鄭晉師救之伍參言於楚子曰晉之從政

者新未能行令其佐先縠剛愎不仁未肯用命其

三帥者專行不獲聽而無上衆無適從此行也晉

師必敗晉魏鈞求公族未得而怒欲敗晉師請致

師不許請使許之遂往請戰而還趙旃求卿未得

請挑戰不許召盟許之與魏鈞皆命而往郤克曰

二憾往矣弗備必敗隨會曰若二子怒楚楚人乘

我喪師無日矣不如備之先縠曰不可隨會使鞶

朔韓穿師七覆於敖前故上軍不敗而中軍下軍

果敗七覆七處伏兵也。敖山名也。

陳皞曰。此大

將無理而怒小將。使之心內懷不服。因緣怨怒。遇敵便戰。不顧能否。所以大敗也。

賈林曰。自上墮

下曰崩。大吏小將不相壓伏。崩壞之道。將又不量己之能否。不知卒之勇怯。強與敵鬪。自取賊害。豈非自上而崩乎。

梅堯臣曰。小將心怒而不服。遇

敵怨懟而不顧。自取崩敗者。蓋將不知其能也。

王晳曰。謂將怒不以理。且不知裨佐之才。激致其兇懾。如山之崩壞也。

何氏曰。三軍同力。上下一

心。則勝也。

張預曰。大凡百將一心。三軍同力。則

能勝敵。今小將憲怒。而不服於大將之令。意欲俱敗。逢敵便戰。不量能否。故必崩覆。晉伐秦。荀偃行令是也。曰鷄鳴而駕。唯余馬首是瞻。欒書怒曰。晉